



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2009. Kurfürst Albrecht von Brandenburg berichtet dem Kurfürsten von
Sachsen über den mit Pommern eingegangenen Frieden, - bittet ihn auch
um Uebersendung einiger Wind- und Hetzhunde, am 27. Juni ...

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2009. Kurfürst Albrecht von Brandenburg berichtet dem Kurfürsten von Sachsen über den mit Pommern eingegangenen Frieden, — bittet ihn auch um Uebersendung einiger Wind- und Heh-
hunde, am 27. Juni 1479.

Albrecht, von gots gnaden Marggraue zu Brandenburg etc. Curfurste etc. Vnser fruntlich dienste vnd was wir liebs vnd guts vermugen allzeit zuor. Hochgeborner furst, lieber Swager. Wir thun ewer liebe zu wissen, das wir hie gruntlich gericht sein nach allem vnserm willen vnd behalten die vierzehen Slosz vnd Stete Aufferhalb der clein Stetein hiryngen vormelt, die wir forat erobert, Vnd was vnser vater vnd bruder seligen gewonnen vnd innenhaben, der sint achte manschaft vnd gute Slosz vnd Stete, Als hernach volget Nemlich: Saczk Slosz vnd Ampt vnd auch ein Stetichen darunder gelegen, Bernstein Slosz vnd Stat, Bone die stat vnd das Slosz Virraden mit dem Ampt vnd dem Stetein Swet, Lockenitz das Slosz vnd Ampt mit dem Stetichen dauor, das vorbrandt ist vnd die stat Benckun vnd alle manschaft darzu gehorend, der ob dreyhundert pferden ist, bey Sechtzig die diest zu rechen, Als sie ingesetzt sint ane der Amptmannen vnd die Burckleut, So man die darzu flehet, Ist es ob vierhundert pferden. So sint das die lehen Slosz, Nemlich Klempenaw, Torgelow, Stolczemburg, Newenedel Slosz vnd stat, Freyenwald Stat vnd Slosz, Falckenberg Stat vnd Slosz, Rabenstein Slos vnd marckt vnd mego das Slosz, die die Ritterschafft, die furder manschaft haben, nu hinfur von vns zu lehen tragenn, die sind nicht in die obgeschriebene zeale gerechent. So sein die Sitz auch nicht geschriben, die zu den Sloszen vnd Steten gehoren, wiewol es alles kein Stettin gehört, So sint sie doch also benennet in den teilbrieffen, do die Stetinschen fursten miteinander geteilt haben. So haben wir Hertzog Buxlauff gelihen Garcz vnd die Furstenthumb was er dar innen hat, Stettin, Pommern, Cassuben, Wenden, Rugen, Wolgast, Bart, Stolp vnd Guezgaw, Als ein marggraue zu Brandenburg, Curfurste des heiligen Romischen Reichs, Sein vnd seiner lannd lehenher, Er empfangen als vnser lehensfurste, vnd mit trewen an eides stat gelobt, vns alles das vorpflicht zu sein, das er als ein getrewer lehensfurst vns pflichtig vnd schuldig ist zu thun, Als hernach folgt wie er gelobt hat. Von der lehen wegen Soll die ordenunge zwuschen den lehenhern von Brandenburg des heiligen Romischen Reichs Erzcammerern vnd kurfursten etc. vnd den lehensfursten zeu Stettin, Pommern, der Cassuben vnd wenden Hertzogen vnd Fursten zu Rugen etc. mit empfangunge vnd leihunge ytzundt vnd auch hinfurder So ofte das zu schulden komet zwuschen in vnd iren erben von beiden teilen gehalten werden vnd also, Als vnser gnedigester herre der Romisch keizer vnserm hern vnd Oheimen Marcgrauen Albrechten vff sein erbliche gerechtikeit, Auch ob sein keizerlich gnad vnd das heilige Reich was gerechtikeit daran hetten ader gehalten gegeben hat, Solche vorgeante leyhunge vnd lannd vnser herre vnd Oheim Erbliehen also vom Reich haben vnd behalten soll, Vnd zu einer iglichen zeit die Marcgrauen, die kurfursten sint, mit andern iren Regalien, herlichkeiten empfangen sollen, Vnd solche

vorgenante lannd mit allen iren Regalien, herlichkeiten vnd zugehorungen Sol der vorgeant vnnszer herre vnd Oheim Marggraue Albrecht als ein Marggraue zu Brandenburg, kurfurste vnd lehenherr vnnszer Oheim vnd Swager Herczog Buxlauffen zu lehen leihen mit hand vnd mit munde vnd jm die leihen als ein lehenherr seinem lehensfurste leihen soll, Vnd er die als ein lehensfurste von ym als seinem lehenhern empfahe soll, als auch mit leihung vnd empfaung jn vnser gegenwertigkeit gescheen ist. Vnd der gnant vnnszer Oheim vnd Swager Herczog Buxlauff hat auch darauff als bald seiner liebe lehenspflicht gethan als recht ist, Vnd sich des alles schuldig zu sein verpflichtet, Als ein getrewer lehensfurst vnd mann seinem lehenhern von lehenswegen vnd durch lehenspflicht zuthund schuldig vnd pflichtig ist, alles getrewlich vnd ane geuerde etc. Derselb Herczog Buxlauff hat sich auch zu vnns verschrieben vnd gethan mit allen seinen landen wider menniglich, Vnd wir haben vnns dagegen gehalten, wie vns geburt, Als wir dem Bebtlichen stul, der keiserlichen Maiestat, ewer aller lieben von Sachfzen vnd Hefzen verwandt sind. Es was vnzweuelich durch gotes verhencknus aufgericht wie wir begert hetten vnd wolten die loblichen Richtunge, der er sich erbote, zusamt verschreibung vnd pflicht die wir funden, an Rat vnnszer prelaten, hern, Mannen vnd Steten nicht abflahe vnd liezen vnns die settigen. Das wollen wir ewer liebe jn fruntlicher meynung vnuerkundet nicht laszenn. Widerbieten euch auch hirmit schickunge ewers zewgs mit erbietunge gegen ewer liebe vnd ewerm Bruder, vnnszerm lieben Swager Herczog Albrechten gar freuntlich zu uerdienen vnd jn mererm vnderstehen zu uergleichen. Datum jn vnnszer Stat Prennczlaw, am Sonntag nach Johannis Baptiste, Anno etc. LXXIX. Dem hochgebornnen fursten vnnszerm lieben Swager, Hern Ernsten,

Hertzogen zu Sachfzen etc. vnd Curfurste.

Erste Beilage: Wir werden auch mit vnnszerm herrn Oheim vnd Swager von Magdeburg jn der alten mark zu Hauffen kommen, wollen wir fleis ankeren dieselben ding auch hinzulegen. Datum ut supra.

Zweite Beilage: Auch bitten wir, ewer liebe wolle vns bestewern mit zweyen vesthen hafzwinden, zweyen starcken hetzwinden vnd zweyen guten Jaghunden vnd schikken, das die vff Sonntag vor Laurencii zu Culmach sein, dann wir alle vnnszer falcken vnd hunde hinwegk geben haben, do wir von franken herein zugen. Das wollen wir freuntlich vmb ewer liebe verdienen. Datum ut supra.

Aus dem Königl. Sächsisch. Ges. Archive in Dresden.

2010. Herzog Bogislaw von Pommern zeigt dem Kurfürsten Ernst von Sachsen an, sich mit dem Kurfürsten von Brandenburg friedlich vertragen zu haben, vom 27. Juni 1479.

Bugslaff, van goods gnaden to Stettin, Pomern, Cassuben, der wende hertoge, forste to Rugen vnd greue to guczkoue etc. Vnns fruntlike denft vnd wes